



LAPORAN LIPUTAN MEDIA

SELASA / 21 MEI 2019

- 1. DEMI PELADANG DINAMIK, BERDAYA SAING**
 - **UTUSAN MALAYSIA**
- 2. HENTI GUNA NAMA JABATAN PERTANIAN**
 - **UTUSAN MALAYSIA**
- 3. JABATAN PERTANIAN BANTU KURANGKAN TANAH TERBIAR**
 - **KOSMO**
- 4. 6,000 NELAYAN DI UTARA PERAK AKAN TURUT TERJEJAS**
 - **BERITA HARIAN**

DISEDIAKAN OLEH :

CAWANGAN KOMUNIKASI KORPORAT

(MADA)

LPP sebagai Pendaftar kepada semua Pertubuhan Peladang di negara ini mengambil maldum terdapat bantahan-bantahan daripada ahli-ahli peladang berhubung dengan pewartaan ini. Namun, LPP berkeyakinan agenda reformasi ini akan diterima oleh masyarakat peladang demi memastikan institusi peladang kekal relevan.

Demi peladang dinamik, berdaya saing



SALAHUDDIN AYUB



Maisarah Sheikh Rahim

PADA 1 Jun 2018, Perlembagaan Pertubuhan Peladang Kebangsaan (NAFAS) telah digantung setelah didapati berlaku permasalahan serius dalam urus tadbir dan ketirisan melibatkan barisan kepimpinan Pertubuhan tersebut.

Pergantungan itu bagi membolehkan siasatan lanjut dijalankan setelah satu laporan pengauditan khas yang dikeluarkan pada 26 Mac 2018 oleh Pendaftar. Laporan Pendaftar Pertubuhan Peladang mendapati NAFAS menghadapi masalah dari aspek integriti, ketidaktanggungjawaban dan ketelusan dalam barisan kepimpinan Ahli Jemaah Pengarah dan pengurusannya. NAFAS merupakan satu Pertubuhan yang dikawal selia oleh Lembaga Pertubuhan Peladang, sebuah Agensi di bawah Kementerian Pertanian dan Industri Asas Tani (MOA).

Kata menteri berkenaan, Datuk Salahuddin Ayub, NAFAS perlu kembali kepada landasan asal bagi membolehkan peladang-peladang di seluruh Malaysia memperoleh manfaat darinya. "Tegis beliau, perubahan besar perlu dilakukan supaya Nafas menjadi payung kepada semua peladang tanpa ada unsur-unsur politik yang keterlaluan, penyelewengan dan salah guna kuasa.

Kepimpinan Pertubuhan Peladang di peringkat kawasan, negeri dan kebangsaan, perlu mempunyai pemimpin yang benar-benar bertanggungjawab dan mempunyai komitmen tinggi untuk memimpin Pertubuhan yang mereka miliki ini ke



AZULITA SALIM

satu era baru, agar mampu memberikan apa juga bantuan dan perkhidmatan kepada peladang.

PEMULIHAN

Justeru, langkah pemuliharaan agensi itu digerakkan. Selepas pengantungan Perlembagaan NAFAS berakhir 15 Januari lalu, Lembaga Pertubuhan Peladang dengan kelulusan MOA telah membuat pindaan kepada Peraturan-Peraturan, Pertubuhan Peladang berkuat kuasa 1 Mei lalu demi memastikan tadbir urus pertubuhan itu lebih telus, efektif dan efisien ke arah dimenai baharu yang mampu menguruskan 900,000 peladang di negara ini.

Ketua Pengarah LPP, Azulita Salim berkata, pewartaan itu selari dengan agenda kerajaan semasa yang mengutamakan *Rules of Law* dalam mentadbir urus setiap organisasi.

Pewartaan Peraturan-Peraturan Pertubuhan Peladang (Pindaan) 2019 ini merupakan pindaan kepada undang-undang sedia ada (Peraturan-Peraturan Pertubuhan Peladang 1983) selaras dengan hasrat

MOA untuk mereformasikan kepemimpinan Pertubuhan Peladang di kesemua peringkat menjadi lebih dinamik dan berdaya saing.

Pindaan yang dibuat merupakan penambahan kepada pentadbiran dan kepimpinan Pertubuhan Peladang sebelum ini yang meliputi:

- Komposisi Ahli Jemaah Pengarah (AJP) di Pertubuhan Peladang Kawasan (PPK) ialah terdiri daripada tujuh ahli yang dipilih dalam Mesyuarat Agung Tahunan (MAT) PPK dan lima dilantik oleh Menteri, manakala Pengerusi dipilih melalui undian majoriti.

- Komposisi AJP di Pertubuhan Peladang Negeri (PPN) terdiri daripada empat ahli yang dipilih dalam MAT dan lima dilantik oleh Menteri manakala Pengerusi hendaklah dinamakan dalam kalangan AJP dan dituliskan oleh Menteri.

- Komposisi AJP di NAFAS terdiri daripada lima ahli yang dipilih dalam MAT dan enam dilantik oleh Menteri serta Pengerusi hendaklah dinamakan dalam kalangan



KEPEMIMPINAN LPP perlu benar-benar bertanggungjawab dan mempunyai komitmen tinggi untuk memastikan pertubuhan mereka mampu memberi apa juga bantuan dan perkhidmatan kepada peladang. - GAMBAR HIASAN/BERNAMA

AJP dan dituliskan oleh Menteri.

- Satu penggal pemegangan jawatan dipendekkan kepada dua tahun berbanding tiga tahun sebelum ini di mana tempoh maksimum pemegangan jawatan mestilah tidak melebihi dua penggal (empat tahun).

- Kuorum bagi Mesyuarat AJP adalah tujuh orang di semua peringkat Pertubuhan Peladang.

RULE OF LAW

Pindaan itu dibuat secara teratur berdasarkan punca kuasa yang diperuntukkan di bawah Seksyen 35 Akta Pertubuhan Peladang 1973 [Akta 109]. Tindakan menyemak dan meminda perundangan sebenarnya berbentuk dinamik dan ia sentiasa dilaksanakan dari semasa ke semasa mengikut kesesuaian perundangan terhadap keperluan semasa. Ia selari dengan agenda kerajaan semasa yang mengutamakan *rule of law* dalam mentadbir urus setiap organisasi apatah lagi apabila ia melibatkan

peladang yang memerlukan perhatian daripada kerajaan.

REFORMASI, BANTAHAN

LPP sebagai Pendaftar kepada semua Pertubuhan Peladang di negara ini mengambil maklum terdapat bantahan-bantahan daripada ahli-ahli peladang berhubung dengan pewartaan ini. Pejabat Pendaftar hampir selesai memberi maklumat kepada pemimpin, ahli-ahli peladang dan anggotanya di setiap negeri bagi menjelaskan dengan lebih terperinci pindaan ini agar kefahaman yang lebih menyeluruh dapat diberikan.

Semasa sesi *engagement* ini, banyak pertanyaan dan persoalan dibangkitkan dan Pejabat Pendaftar telah memberi penjelasan yang sewajarnya termasuklah tujuan asal pindaan ini dibuat. Selaras dengan hasrat ini, senakan undang-undang akan diteruskan bagi memastikan agenda reformasi ini dapat dimatangkan dalam usaha memberi maklumat kepada pergerakan Pertubuhan Peladang di seluruh Malaysia.

TARIKH : 21 MEI 2019

PERKARA : PERTANIAN

Henti guna nama Jabatan Pertanian

Oleh ZULHILMI ZAINAL dan HADI AB. MANAP
pengarang@utusan.com.my

■ KUALA LUMPUR 20 MEI

JABATAN Pertanian memberi amaran terhadap mana-mana pihak atau syarikat yang terlibat dengan perusahaan tanaman guarana di negara ini supaya menghentikan penggunaan nama jabatan tersebut bagi tujuan promosi.

Ketua Pengarah Pertanian, Datuk Jamal Harizan Yang Razali (**gambar**) menegaskan, perkara itu tidak seharusnya berlaku sama ada disebar mahupun diuar-uarkan secara langsung kepada umum atau melalui apa sahaja medium termasuk media sosial (Facebook) jika ia tidak tepat dan sah.

"Jangan guna nama jabatan. Kita menganggap perbuatan itu tidak bertanggungjawab dan tidak patut. Ia harus dihentikan demi kebaikan bersama.

"Kalau tanaman itu mengikut prosedur, mendapat kelulusan pelbagai jabatan kita boleh pertimbangkan. Ini tidak, sudahlah tindakan tidak tepat kini mereka sesuka hati 'menjual' nama jabatan," katanya ketika dihubungi *Utusan Malaysia* di sini hari ini.

Katanya, banyak lagi cara lain untuk menarik serta menambat hati petani serta pengusaha di luar bandar selain menggunakan taktik tersebut.

"Bukan kita tak sokong dan cakap guarana tidak mampu menambah pendapatan cuma sekarang kena buktikan dahulu yang syarikat mampu mengikut apa yang diperuntukkan jabatan termasuk sijil fitosanitasi (PC) dari



Brazil, sijil eksport semula dari negara transit (ketiga), rawatan kuarantin dan sebagainya, baru-lah biji benih boleh dibawa masuk sekali gus tanaman itu boleh diusahakan.

"Kita pun hairan, negara lain ada juga tanam guarana, mengapa biji benih daripada Brazil (kawasan pernah membawa penyakit Hawar Daun Amerika Selatan (SALB) juga mereka pilih," ujarnya.

Ujar Jamal Harizan, pihaknya tidak mahu bertanggungjawab sekiranya selepas ini masih ada pihak yang menggunakan nama jabatan untuk menyalurkan maklumat kurang tepat dan tidak bersangkut paut.

"Apa kita nak jawab dengan orang awam jika sesuatu masalah timbul kelak. Tak mungkin kita nak jawab 'tidak tahu', 'tidak tahu' setiap masa.

"Ini kerana kita sentiasa berusaha untuk mengawal dan menjadi pemudah cara dalam urusan

Kalau tanaman itu mengikut prosedur, mendapat kelulusan pelbagai jabatan kita boleh pertimbangkan. Ini tidak, sudahlah tindakan tidak tepat kini mereka sesuka hati 'menjual' nama jabatan."

JAMAL HARIZAN YANG RAZALI

perdagangan produk pertanian namun harus mengikut prosedur selari dengan amalan antarabangsa," katanya.

Dalam pada itu, Jamal Harizan mengingatkan, penularan serangan penyakit Hawar Bulir Bakteria (BPB) pada tanaman padi di negara ini wajar dijadikan iktibar memandangkan berpunca daripada kemasukan benih padi luar tidak sah yang diseludup masuk dari negara luar.

"Kita tidak pernah diancam penyakit BPB sebelum ini, tetapi ia berlaku kerana angka syarikat dan individu yang mementingkan keuntungan semata-mata tanpa mengambil kira kepentingan negara dan industri.

"Maka diharapkan perkara sama tidak berulang kerana akhirnya petani yang akan menjadi mangsa," katanya.

10 NEGARA!
Analisis Kosmo!

Jabatan Pertanian bantu kurangkan tanah terbiar

MENGGALAKKAN pemilik tanah terbiar membangunkan tanah mereka atau membenarkan pihak lain mengusahakannya sudah digerakkan sejak lebih sedekad lalu.

Menyadari tanah baharu bagi tujuan pertanian kini adalah terhad, Jabatan Pertanian Malaysia mula memberi perhatian dalam membangunkan tanah terbiar bermula Rancangan Malaysia ke-5 (2001-2005).

Langkah lebih serius digerakkan sejak 2007 sebagai satu inisiatif menangani isu pembaziran sumber dengan matlamat membangunkan tanah terbiar, meningkatkan kapasiti pengeluaran bahan makanan negara di samping mengurangkan kebergantungan kepada sumber makanan import.

Bagaimanapun, setelah lebih 10 tahun dijalankan, sambutan dalam kalangan pemilik tanah belum mencapai tahap memuaskan.

Daripada 119, 278 hektar jumlah tanah terbiar di Semenanjung Malaysia yang direkodkan pada 2014, tanah yang dibangunkan di bawah Jabatan Pertanian sehingga 2018 hanyalah 7,944.97 hektar dengan jumlah peserta 5,964 orang.

Ini bermakna masih banyak lagi tanah terbiar yang belum diusahakan untuk pertanian.

Masalah sikap dan kesedaran pemilik untuk memajukan tanah menyebabkan usaha membangunkan tanah terbiar menjadi sukar.

Terdapat pemilik yang menghadapi kesukaran memajukan tanah mereka bertepatan dengan keupayaan mendapatkan persetujuan bersama memandangkan tanah mempunyai banyak penama.

Kebanyakan pemilik asal tanah tersebut telah meninggal dunia dan ia diwaris anak-anak kemudiannya berhijrah ke bandar.

Contoh di Negeri Sembilan, status tanah adat di bawah Enakmen Pemegangan Tanah Adat Bab 215 dikatakan menjadi halangan untuk memajukan tanah terbiar.

Bagaimanapun, daripada kajian akademik yang dijalankan, undang-undang Tanah Adat itu tidak pun menghalang untuk pelaksanaan aktiviti pertanian atau penyewaan tanah sebaliknya sikap pemilik tanah yang tidak mahu memajukan tanah sendiri.

Ketua Pepolong Pengarah, Bahagian Perancangan Strategik, Jabatan Pertanian Malaysia, Nur Dalinna Ibrahim berkata, situasi

Menjengah Minda

Bersama KURNIAWATI KAMARUDIN (Bernama)

itu adalah antara cabaran yang perlu dihadapi piliainya.

"Kita tidak boleh memaksa pemilik usahakan tanah yang terbiar. Apa yang kita lakukan ialah beritawarung dengan pemilik tanah untuk mencari jalan agar tanah itu dapat dimajukan dan dioptimumkan agar dapat mengeluarkan hasil."

"Pejabat Pertanian Daerah berperanan sebagai penggerak untuk menggalaksi tanah terbiar serta pemilik tanah tersebut di daerah mereka."

"Bukan itu sahaja, mereka juga menjadi pemudahcara untuk memiadikan pemilik tanah yang tidak berkemampuan untuk mengusahakannya dengan pengusaha yang ingin memajukan tanah terbiar mereka bagi tujuan pertanian," katanya.

Program penemusuan ini menjadi landasan terbaik untuk memajukan pemilik tanah dan pengusaha agar kedua-dua pihak dapat berbinang bagi memajukan tanah di mana pengusaha boleh menyewa atau memajak tanah milik.

Bagaimanapun tidak semua padanan yang dilakukan berjaya kerana faktor kelemahan tanah itu sendiri dan memertukan kos yang tinggi untuk dibangunkan.

"Kebiasaannya pengusaha akan menial terlebih dulu kawasan untuk disewa atau dipajak. Jika

kondan tanah tersebut mempunyai juringin yang baik serta beresutan maka kerja pembanguan boleh dilaksanakan," katanya.

Nur Dalinna menjelaskan, Jabatan Pertanian memberikan insentif permulaan kepada pemilik tanah atau pengusaha yang ingin memajukan tanah terbiar dengan kadar bantuan maksimum sehektar bernilai RM20,000.

Bagaimanapun, ia bergantung kepada keportuan sebenar di tapak dan bantuan ini juga tertakluk kepada keluasan maksimum 5 hektar per individu.

"Bantuan yang diberikan adalah dalam bentuk pembanguan infrastruktur seperti pembersihan kawasan dan penyediaan sistem pengaliran atau pemberian input pertanian seperti anak benih, baja ataupun bantuan teknologi dengan nilai tersebut," jelasnya.

Pengusaha tanah terbiar paling ramai adalah di Pahang (10), Terengganu (1,051), Kelantan (811), Kedah (772), Pulau Pinang (617), Perak (425), Negeri Sembilan (384), Johor (357), Melaka (190), Perlis (134), Selangor (68) dan Labuan (3).

Beliau berkata Jabatan Pertanian menyasarkan 100 hektar tanah terbiar dapat dibangunkan setiap tahun dengan bilangan pengusaha seramai 50 orang.

Beberapa jenis tanaman akan dicadangkan kepada pengusaha setelah melihat kesesuaian tanah untuk mereka pilih mengikut kecenderungan tanaman yang ingin diusahakan.

Jenis tanaman yang digalakkan ialah tanaman kekal seperti pokok durian, kelapa dan mangga manakala tanaman singkat masa ialah seperti sayur-sayuran, jagung atau tanaman selingan seperti pisang.

Membangunkan tanah terbiar dengan tanaman pertanian menjadi salah satu inisiatif utama Jabatan Pertanian Malaysia

KOSMORAMA Oleh MARO



10c/5/1c
14c
01/05/19

PROJEK PSR

6,000 nelayan di utara Perak akan turut terjejas

➤ Perlombongan pasir untuk projek sebabkan hakisan teruk pesisir pantai: KUASA

Oleh Muhammad Yusri Muzamir
yusri.muzamir@bh.com.my

► Georgetown

Projek tambakan laut di perairan selatan Pulau Pinang (PSR) yang dirangka menerusi Pelan Induk Pengangkutan (PIP), didakwa akan turut menjejaskan 6,000 nelayan di utara Perak.

PSR yang membabitkan keluasan lebih 2,600 hektar bagi membina tiga pulau buatan bagi membiayai PIP, turut dibantah hampir 5,000 nelayan Pulau Pinang.

Presiden Persatuan Aktivis Sahabat Alam (KUASA), Hafizudin Nasarudin, mendakwa bantahan itu kerana projek berkenaan dikatakan akan menggunakan sebanyak 189 juta meter padu pasir yang akan dikorek di kawasan 20 batu nautika dekat perairan di daerah Manjung hingga Kerian, Perak.

Dakwanya, perlombongan pasir di kawasan itu akan menyebabkan hakisan teruk di pesisir pantai, sekali gus menjejaskan kawasan hutan paya bakau.

Selain itu, katanya, penggalan sumber mineral itu turut

menyebabkan wujudnya kawah besar di dasar laut, selain menjejaskan kawasan terumbu karang yang menjadi tempat pembiakan ikan.

"Ia (kawah) secara semula jadi akan ditimbus dan ini menyebabkan hakisan di pesisir pantai dengan Tanjung Pandang, Kuala Sepetang dan Kuala Kurau adalah kawasan paling teruk terjejas.

"Perlombongan ini juga akan menghakis pesisir Pantai Segari yang muncul sebagai lokasi pendaratan penyu daripada spesies terancam, selain dikhuatiri menyebabkan kawasan berpasir semakin sempit.

"Situasi ini sekali gus akan menyebabkan penyu spesies. Agar tidak lagi akan mendarat di Pantai Segari jika pelaksanaan projek itu diteruskan," katanya pada sidang media di sini, semalam.

Baru-baru ini, Majlis Perancangan Fizikal Negara (MPFN) dipengerusikan Perdana Menteri, Tun Dr Mahathir Mohamad bersetuju dengan pelaksanaan PSR dan meminta kerajaan negeri mematuhi 18 nasihat ditetapkan.

Sebelum ini, kerajaan negeri bercadang menjalankan projek PSR dengan keluasan lebih 2,600 hektar bagi membina tiga pulau buatan untuk membiayai PIP, dianggar bernilai RM49 bilion dan melantik SRS Konsortium sebagai Rakan Pelaksana Projek (PDP).

Projek mega itu bagaimanapun mendapat tentangan pelbagai pihak dengan golongan nelayan tradisi di negeri ini dikatakan paling teruk terjejas, selain ia dilapor boleh mengubah sempadan laut negara dan



Kegiatan perlombongan pasir, antara lain akan menjejaskan nelayan Zon A apabila wujud kemungkinan berlakunya pencerobohan nelayan Zon B dan C yang akan memasuki kawasan perairan kurang dari lima batu nautika"

Hafizudin Nasarudin,
Presiden KUASA

mungkin menimbulkan masalah dengan negara jiran.

Jejas pendapatan nelayan

Hafizudin berkata, kegiatan perlombongan pasir, antara lain akan menjejaskan nelayan Zon A apabila wujud kemungkinan berlakunya pencerobohan nelayan Zon B dan C yang akan memasuki kawasan perairan kurang dari lima batu nautika.

Katanya, ini akan menjejaskan pendapatan nelayan Zon A kerana nelayan Zon B dan C

mempunyai kelengkapan dan bot yang lebih besar berbanding mereka.

"Kitaran semula jadi turut menghasilkan ombak besar dan menghakis kawasan pesisir pantai di daerah Manjung sejak dua tahun lalu. Ia antara lain menyebabkan penduduk setempat terdedah kepada bahaya.

"Malah, seramai 4,817 nelayan di Pulau Pinang juga akan terjejas dengan pelaksanaan PSR ini dengan keseluruhan angka berkenaan dikeluarkan Jabatan Perikanan," katanya.

Sementara itu, Setiausaha Kehormat Sahabat Alam Malaysia (SAM), Meenakshi Raman, berkata Penilaian Kesan Alam Sekitar (EIA) perlombongan pasir perlu dijalankan terlebih dahulu supaya orang ramai dapat meneliti kesannya.

"Kajian Program Alam Sekitar Pertubuhan Bangsa-Bangsa Bersatu (UNEP) menjelaskan perlombongan pasir amat bahaya dan mengancam biodiversiti dan laut dalam jangka panjang, selain memberi amaran ia tak harus dilakukan.

"Kita kurang berpuas hati apabila kerajaan negeri menjelaskan golongan nelayan mudah untuk mencari sumber pendapatan lain, tetapi mereka ini kebanyakannya warga emas. Pampasan juga tak mencukupi," katanya.

Ahli Jawatankuasa Penang Forum, Khoo Salma pula berkata, pihaknya sudah melancarkan petisyen bantahan PSR dalam pelbagai bahasa sejak Jumaat lalu, selain sudah berjaya mendapat lebih 12,000 tanda tangan.